

## КОМИ РЕСПУБЛИКАСА КОМИ КЫВ КОМИССИЯЛӨН

2011 вося косму төлысь 15 лун

6 №-а

### СЁРНИГИЖӨД

**Волісны:** Марков В.П., Козулина С.Г., Цыпанов Е.А., Безносикова Л.М., Бутырева Г.В., Карманова А.Н., Коснырева Е.Г., Попова Н.А., Федина М.С.

**Видлалісны да сөгласуйтісны 38-43 статьяяс:**

#### 38 статья

Быдөн уджалө ас вөляысь. Быдөнлөм эм инөд ас вөлясыс веськөдны морттуйсө кытчө көсйө, бөрйыны удж да уджсикас.

Мырдөн уджөдны оз позь.

Быдөнлөн эм инөд уджавны сэні, көні эм тырвийө лөсялана видзчысянлун да гигиена, инөд некутшөма кедзовттөг босьтны удждон оланпасөн урчитөм медічөт удждонысь оз этшаджык, а сідзжө уджтөмалөмысь дорьян инөд.

Торья йөзлөн да котырьяслөн эм инөд удж кузя веньяс бырөдны федеральной оланпасын урчитөм ногөн, тшөтш и бастуйтөмөн.

Быдөнлөн эм шойчөм вылө инөд. Удж йылысь сёрнитчөм серти уджалысьлы сетсьө федеральной оланпасөн урчитөм уджалан кад, шойччан да гажөдчан луньяс, быд во мынтысяна шойччөг.

#### 39 статья

Мамөс, батыөс да челядьөс, семьяөс дорйө канму.

Челядь вөсна төжд, найөс быдтөм-велөдөм — баты-мамлөн өткодь инөд да мог.

Уджавны вермысь челядьлы, кодьяслы тырис 18 арөс, быть колө төждысьны уджавны вермытөм баты-мам вөсна.

#### 40 статья

Быдёнлы сетсьö социальнöй отсöг арлыд серти, висигён, вермытöм вöсна, вердысьöс воштöм бöрын, челядьöс быдтiгён да мукöддырйи, кыдзи урчитöма оланпасын.

Каналан пенсияяс да социальнöй пособиаяс урчитö оланпас.

Пыдди пуктанаён лоö ас вöляясь социальнöя страхуйтчöм, социальнöя могмöдан мукöд нога содтöд отсöг да бурвöчöм.

#### 41 статья

Быдёнлөн эм оланiн вылö инöд. Некодлысь оз позь оланiнсö босьтны мырдөн.

Каналан власьт органьяс да меставывса асвеськöдлан органьяс ышöдöны стрöитны оланiн, сетöны позянлун збыльмöдны оланiн вылö инöд.

Судзсьытöмаяслы, оланпасын индöм мукöд гражданылы, кодьяслы колö оланiн, сiйö сетсьö дон босьттöг либö лöсялана донысь каналан, муниципальной да мукöд оланiн фондывсь оланпасён урчитöм норма серти.

#### 42 статья

Быдёнлөн эм дзоньвидзалун видзöм да медицина отсöг вылö инöд.

Медицина отсöгсö канму дон босттöг сетö дзоньвидзалун видзан каналан да муниципальной учреждениаясын лöсялана бюджет, страховöй мынтысьöм да мукöдлаысь воём сьöм тшöт весьтö.

Коми Республикаын федеральнöй уджтасьяс дорö сетсьö содтöд сьöм йöзлысь дзоньвидзалун видзан да ёнмöдан республикаса уджтасьяс вылö, водзö сöвмöдöны дзоньвидзалун видзан каналан, муниципальной, аспом системаяс; пыдди пуктысьсьö мортлысь дзоньвидзалун ёнмöдан, физическöй культура да спорт сöвмöдан, вөр-ва да санитарно-эпидемиологическöй сöстöмлун видзан удж.

Йöз олöмлы да дзоньвидзалунлы лёк вöчöмтор да лоёмтор дзебöмысь чина йöз кывкутöны федеральнöй оланпас серти.

### 43 статья

Быдөнлөн эм инөд овны сөстөм гөгөртасын, төдны сы йылысь став збыльсө да босьтны вештысьөм, вөчөма кө лектор сылөн дзоньвидзалунлы либө эмбурлы омөль уджаланін вөсна да гөгөртас тшыксьөм вөсна.

Быдөнлы колө видзны вөр-ва да гөгөртас, төждысьны налөн озырлун вөсна.

Комиссияөн веськөдлысь

В.П.Марков

Комиссияөн веськөдлысьөс вежысь

С.Г.Козулина

Кывкутысь секретар

Е.Г.Коснырева